

# Trottinett

**Wäge euch** (Christian Hugelshofer, Patrik Meier, Monika Schär)

mir sind usem gliiche Holz gschnitzt  
de Öpfel gheit nid wiit vom Stamm  
und i das Holz isch töif iigritzt  
e Teil vo euchem Programm

*du chasch di no so lang wehre  
dir sälber säge: nei, i werde nid so  
chasch ufstoh und rebelliere  
doch einisch wird's zrugg zu dir cho*

**wäge euch bin i so, wie-n-i bi  
und i wetti au nie andersch sii  
wäge euch bin i so, wie-n-i bi  
und i han euch i mim Härz debii**

ihr händ immer s'Beschte wölle  
doch niemer esch perfekt  
und gwüssi Narbe wänd nid schnell verheile  
und sind irgendwo versteckt

*und plötzlech stosch vor dine Chind  
ghörsch dini Eltere i diner eigete Stimm*

*wäge euch weiss i, was heicho heisst  
ihr sind immer für mi do  
wäge euch weiss i, dass me zämehebt  
egal, was immer wird cho*